

女科指掌

祿

喘

女科指掌卷之五目錄

產後門

產後歌

藥禁歌

前賢確論

初產調護法

資生湯論

加減歌

回生丹

頭痛

心痛

腹痛

小腹痛

血痕卽兒枕痛

脇脹痛

腰痛

遍身疼痛

脇氣

腹脹嘔吐

呃逆

喘急

口鼻出血

傷寒

目録
浮腫

傷食

煩渴

發熱

乍寒乍熱

自汗

中風

瘧病

瘕瘕

拘攣

不語

目閉

狂言

顛狂

乍見鬼神

驚悸

恍惚

咳嗽

瘧疾

痢疾

泄瀉

大便秘

遺糞

小便不通

淋悶

小便不禁

卽損

下乳

乳病

蓐勞

女科指掌卷之五

祿

困菴葉其綦杏林甫編輯

及門

吳允恭克讓

全參

劉家龍南超

男

大本全初

○皇甫雲洲產後歌

產下嬰兒氣血空。絲毫觸犯便傷榮。倏然致疾如山重。
不與尋常一樣同。去血過多因發熱。焦薑參朮八歸芎。
陰虛作熱心煩悶。自汗黃芪可奏功。惡心嘔逆傷脾胃。

抵聖湯醫腹脹膨歸芪止汗除身熱不愈當歸奏効雄
風中愈風湯立驗茯苓散子治怔忡諸風痿痺筋攣縮
志士明醫用血風乍見鬼神由血耗調經散服起疲癢
中風口噤牙關閉搖搦身強似角弓此是血虛筋癱痲
舉輕古拜配歸芎產後經來因斷續血虛發熱復兼風
手牽足搖牙關緊昏冒當歸獨活攻大豆紫湯七珍散
只煎一服有奇功陰虛發熱憎寒症晝日清明夜覺凶
加味芎歸或四物將來煎服病離躬胞中悞損成淋瀝
參朮煎膏搜自通浮腫定須分水道也應培土與祛風

大小調經散可用。憂思鬱結在寬胸。痢初化滯香連芍。
積久須當用胃風。初感寒邪微發表。熱邪不解守黃龍。
燥煩地麥兼歸芍。渴甚人參共麥冬。熱泄分消兼理胃。
便難宜以潤腸攻。汗多表弱宜芪桂。裏弱虛寒製理中。
發表內攻須帶補。勿行孟浪內傷榮。小便淋瀝時常痛。
但用茅根可治癰。泄瀉胃苓湯可治。寒加肉果桂姜同。
若因熱泄兼腸垢。姜炒黃連佐木通。

○產後藥禁歌

新增

產科最忌是生梨。梔子芩連大不宜。白朮黃芪須緩用。

人參白芍亦如之。地黃泥隔麻黃烈冷物傷脾滑物遺。更有石膏名白虎。倘然誤服立傾危。

○前賢確論

產後一十八症。一曰子死腹中。二曰產難。三曰胞衣不下。四曰血暈。五曰口乾心悶。六曰乍寒乍熱。七曰虛腫。八曰乍見鬼神。九曰不語。十曰腹痛泄瀉。十一曰遍身疼痛。十二曰尿血如雞肝。十三曰腹脹嘔吐。十四曰中風發瘧。十五曰口鼻黑衄。十六曰喉中氣喘急。十七曰產後心痛。十八曰餘血奔心。後四條不治

張飛疇曰。產後有三冲三急。三冲者。敗血冲肺。冲心。冲胃也。三急者。新產之嘔吐泄瀉汗多也。用藥有三禁。佛手散以川芎能發汗也。禁四物湯以地黃能作瀉也。禁小柴胡以黃芩能阻惡露也。然產後諸症。非行血則邪不去。卽諸虛症亦須血行其氣乃復。第行之有方。不可過峻。必緩劑輕劑。以俟胃氣之自復耳。

朱丹溪曰。產後有病。先固氣血。故產後以大補氣血爲主。雖有雜症。以末治之。

方約之曰。產後之症多端。其源有三。曰血虛火動。曰敗

血妄行。曰飲食過傷。何以明之。氣屬陽。血屬陰。產後去血過多。血虛火動。爲煩躁發熱之類是也。虛火上載。敗血妄行。爲頭暈腹痛之類是也。經曰少火生氣。壯火食氣。東垣曰火爲元氣之賊。產後火傷元氣。脾胃虛弱。若飲食過傷。爲痞滿泄瀉之類是也。治法血虛火動則補之。敗血妄行則散之。飲食過傷則消之。

單養賢曰。產後不可遽用參芪。故生化湯加人參者。必須崩脫血暈。形色俱脫者。乃可加之。若無虛脫形症。切不可加。若有血塊。痛甚不移處者。只加紅花肉桂。切不可。

可用參芪白朮補氣以天枉人命也。

張子和曰。產後慎不可作諸虛不足治之。必變作骨蒸寒熱。飲食不入。肌膚瘦削。經水不行。經曰。寒則衰。飲食。熱則消肌肉。人病瘦削。皆麤工以藥消燥之故也。嗚呼。人之死者。豈爲命乎。

葉以潛曰。治產後先消瘀血爲第一義。良方云。產後以去瘀血爲先。血滯不快。乃成諸病。夫產後元氣旣虧。運行失度。不免瘀血停留。必先逐瘀消化。然後方可行補。此第一義也。今人一見產後有內虛症。遽用甘溫參芪。

之類。以致惡血攻心而死者多矣。慎之。

單養賢曰。產後諸病。不可悞治。凡病起於氣血之衰。脾胃之弱。至產後而虛又甚焉。故丹溪論產後當大補。以盡醫產之旨。若能擴充用藥。治產可無過矣。產後氣血暴虛。諸症乘虛易襲。假如有氣不行。母專耗氣。有食不消。無專消導。有熱不可芩連治。有寒不可附子驅。用寒涼則血塊停滯。用辛熱則新血崩流。至若虛中外感。見三陽表症。似可汗也。在產後而用麻黃。慮亡陽之誤。見三陰裏症。似可下也。在產後而用承氣。恐致竭陰之患。

耳聾脇痛。有腎虛惡露之停。休用柴胡。譖語汗出。乃元
弱似邪之症。毋加宣導。厥由陽氣之衰。雖分寒熱。非大
補不能回陽而起弱。瘕因陰血之損。毋論剛柔。非滋陰
不能活絡而舒筋。有如乍寒乍熱。發作有期。症類瘧疾。
若以瘧論。病甚難痊。神不守舍。言語無倫。病似邪侵。如
以邪論。危亡可待。去血多而大便燥結。蓯蓉加於生地。
莫投潤下之湯。汗出多而小便短澀。六君倍用參芪。更
加生津之劑。人參生化湯頻灌。可救產後之虛危。長生
活命丹屢用。能甦絕穀之困乏。脫肛久瀉。多是氣虛下

陷。補中益氣正宜。口噤筋攣。乃是血燥類風。加入參生
地爲最。產戶入風而痛甚。服宜羌活養榮。玉門傷冷而
不閉。先須牀芻菜硫。因氣而滿悶中虛。生化湯加木香
爲佐。因食而噯酸惡食。六君子加神麴爲良。蘇木稜蓬。
大能破血。青皮殼實。最惡虛中。一切耗氣破血之劑。汗
吐下之策。可施少壯之人。豈宜胎產之婦。大抵新產。先
問惡露何如。塊痛未除。不可遽加參朮。腹痛若止。補中
益氣無疑。至若汗出亡陽。氣虛喘促。頻用加參生化湯。
固是從權。如因大熱陰虛。血崩厥暈。速煎生化原方。乃

爲救急。言雖未能盡症。大畧如斯而已。

秦謂瘀血不去。則新血窒礙不清。新血未生。則瘀血何由盡去。故治產後。不過生新去瘀而已。卽就丹溪先生云。大補氣血爲主。亦當側重在血字上看。觀先生陽常有餘。陰常不足之論。可知矣。况產後亡血者乎。其不亡血而腹痛者。卽是停瘀着寒。傷食感氣等症耳。宜溫中消瘀便愈。摠之產後百病。皆不脫乎芎歸佛手湯加減。最是平穩可法。故補劑不必參芪。方謂之補。行劑不必稜漆。方謂之行也。但人之元氣有

虛實疾病有淺深。治療有難易。故不可一方蔽之。

脉王叔和曰。產後寸口洪疾不調者死。沉微附骨不絕者生。婦人乳子沉小而滑者生。實大堅牢弦急者死。朱丹溪曰。胎前脉細小。產後脉洪大者多死。又曰。胎前脉當洪數。既產而脉仍洪數者死。

濟生產經曰。胎前之病。其脉貴實。產後之病。其脉貴虛。葉以潛曰。今人但見產後六脉浮洪弦緊。便說有熱。不知產後脉與別病脉不同。產後洪大。是氣血耗散。內無存畜。故顯是脉。如用寒涼。殺人反掌也。

○初產調護法

產經曰。婦人非止臨產堪憂。產後更宜將息。勿以產畢無妨。乃恣意從心。無所不犯。犯時微若秋毫。成病重如山岳。可不畏哉。

產婦纔分娩。預燒鐵秤鎚。或硬炭通紅。入碗內以醋淬之。放鼻下薰。使醋氣常繞。昏迷者卽醒。且解邪穢所厭。宜豎膝坐起。倦則高枕仰倚。不可平臥。以防血上也。產母雖不可飢渴。亦不宜飲食過多。及生冷油滑。恐脾胃虛弱。不能運化。惟進溫和米粥可也。

產後惡血上冲。量飲童便一盃。或和酒對冲。但不可醉。醉則四肢乏力。恐引血入四肢。致日後有四肢無力酸惰之患。

脾胃虛弱。惡血未盡。七日內不可服湯。恐滲於皮膚。爲腫。流於腸胃。爲瀉。有致終身脾泄者矣。直候臍下塊散。飲食如常。惟宜白鯊鯽魚調理。

丹溪曰。產後將養不可失宜。肉汁發陰經之火。易成內傷。先哲具有戒訓。豈可以羊雞汁作糜食之乎。若兒初生。母腹頓寬。便啖雞子。且吃夥鹽。不思雞子難化。夥鹽